

Q. D. B. V.
DISSERTATIO INAUGVRALIS MEDICA

SISTENS

OPPROBRIVM MEDENTIVM,
PHAGEDÆNAM,

QVAM,

AVXILIANTE NVMINE DIVINO,

RECTORE VNIVERSITATIS MAGNIFICO,

PRÆNOBILI ET CONSVLTISSIMO

DN. TOBIA JAC. REINHARTHO,

JCTO, SACRI PALATII CÆSAREI COMITE, JVRID. FACVLT. ASSESSORE
ET PROFESS. COD. PVBL. ORDIN. CIVITATIS SYNDICO
ET CONSVLE,

AMPLISSIMO MEDICORVM ORDINE IN HAC PERANTIQVA
HIERANA GRATIOSE INDVLGENTE,

SVB PRÆSIDIO

DN. LAVRENTII THEOPHILI
LVTHER,

MEDIC. DOCT. CHYMIÆ PROFESS. PVBL. FACVLTAT. MED. ASSESS. ORDIN.
ET CIVITAT. ERFORD. CONSVL. SENIOR.

PATRONI AC PROMOTORIS SVI COLENDISSIMI,

PRO LICENTIA,

SVMMOS IN ARTE MEDICA HONORES ET PRIVILEGIA
DOCTORALIA LEGITIME CAPESSENDI,

PVBLCÆ ERVDITORVM DISQVISITIONI EXPONET

JOHANNES GOTTLIEB Seüter

Goslaria-Brunsvic.

DIE XIV. JVLII, ANNO M DCC XXXI.

IN AVDITORIO MAJORI COLLEGII MAJORIS, HORIS CONSVETIS.

ERFORDIÆ, Typis JOH. CHRISTOPH. HERINGII, Acad. Typogr.

0 2 0 2
ASTORIA, OREGON, JANUARY 1902

PLAGIARISM

ONTARIO ARCHIVES

ON TAYLOR'S THEORY

174514089



PROŒMIUM.



Antea sane tamque aperta & evidens est fermentorum quorumvis in toto Naturæ Regno ^{in eorum} & efficacia, ut, qui in eruenda, explananda, discernenda & deducenda illa desudare cupit, vix unquam penitus & exacte eandem introspicere, nedum pro dignitate & veritate

demonstrare atque explicare queat: Sic notum equidem & cognitum est, quod circa diversam seminum in telluris gremio sese multiplicantium rationem, circa animantium, mediante vivifico mucore in ovo contento potissimum sese propagantium, modum generandi, imo circa mineralium in abditis terræ visceribus & cryptis, ope subtiliorum vaporum multifariis particulis gravidorum, expansionem & agglomerationem, utique evidentissima occurrat & concurrat Fermentorum activitas, & fervidissima sese ampliandi & diffundendi aviditas: Ast singularis & specialis agendi atque stupendos sæpius tales effectus producendi modus, verbo, tota ipsorum indoles & Natura plane planeque adhuc nos latet, aut meris saltem conjectu-

rarum nebulis obscurata & obfuscata hæret, quanquam de reliquo & necessitatem suam insignem abunde, nec non innumeris ferè exemplis patefaciat & exhibeat, ut propterea, licet fiendi modum ignoremus, de ipso tamen facto tanto certiores evadamus, hujusque saltem veritatem tanto minus negare nobis præsumamus. Taceo jam fermentorum artificialium, tam culinarium, quam chymicorum, in alimentorum potissimum & medicamentorum præparationibus & operationibus maxime conspicuam activitatem & utilitatem, cuilibet, paulo attentiori solummodo animo talia consideranti statim obviam, horumque in locum produco fermenta naturalia, in corpore speciatim humano cuius fere parti indita & ad functiones quascunque obeundas & rite perficiendas oppido necessaria, quorum eximium & vix unquam satis deprædicandum utilem effectum quilibet, in unico tantum concoctionis, chylicationis ac sanguificationis negotio, facillimè deprehendet & mirabitur. Dolendum vero est, quod, uti pleraque ex iis, quæ nobis ad conservandam corporis integritatem & mixtionem concessa sunt, pariter quoque eidem in detrimentum cedunt, & haud raro ejus corruptionem atque interitum promoven-
vent, simile quoque fatum fermenta experiantur, & quantum in statu naturali corpori nostro utilitatis afferunt, tantum etiam, imo longe plus periculi & noxæ portendant & inferant, quando scilicet in statu præternaturali, Dei indultu & hominis, tam physicè quam moraliter quotidie peccantis, culpa, à nativa sua bonitate & puritate degenerant atque defle-
ctunt, sicque iritum illud, quod corruptio optimi, pessima plerumque sit, aperte confirmant. Ex innumeris pessimæ indolis morbis, abinde communiter dependentibus, sufficiet jam pro ulteriori hujus asserti illustratione, unicam illam fonticam
ulce-

ulcerationis vix coercendæ speciem PHAGEDÆNAM, sive Cancrum apertum, tristissimam suam tragædiam præcipue in partibus glandulosis, quæ lymphatico-salivalibus & præternaturali fermento jam depravatis humoribus vel maxime turgent, exhibentem, insuper remedia quævis mitiora eludentem & spernentem, fortiorum vero usu & applicatione magis magisque se se exacerbantem, eamque ob causam non immerito a Musitano Tract. Med. Chirurg. Part. II. c. 23. pro Opprobrio Medicorum habitum, nunc in apricum deducere, & speciminis inauguralis in locum paulo exactius perlustratum sistere: Quod ut feliciter ex voto succedat, faxit summus Animæ corporisque nostri Archiater.

CAPVT PRIMVS.

Signa & causas Phagedænæ tradit.

§. I.

UT secundum ordinem hætenus receptum in tractatione nostra ritè procedamus, ante omnia pauca quædam, ad nominalem truculenti hujus affectus definitionem spectantia, prælibanda erunt, quo deinde ad realia tanto facilius detur transitus. Etymon ergo ejusdem deprehendimus apud Græcos, qui illum *φαιγεδαίναν* appellarunt, ἀπὸ τοῦ φαγεῖν, sive ab *exedendo*, quoniam pessima hæc ulcerationis species illas partes, quas semel occupavit, successive depascit & continuo erodit, ac quaquaversum ulterius serpit, ad instar quasi Lupi rapacis, omnia indiscretim devorantis, nec prius ferè desinit, donec vel perforatis integumentis, ad ipsa viscera interiora, vel saltem ad alias no-

biliores externas partes, fermentativa talis corruptio delata, totaque vitalis Oeconomia penitus turbata atque destructa fuerit, ut propterea ipsi etiam Latini, qui, rationem denominationis ab ante nominata illa insatiabili bellua mutuantes, hunc affectum in genere *Lupum* nuncuparunt, pariter exquisite genium & indolem illius descripsisse videantur.

§. II.

Ratione *Homonymiæ* vocabulum *Phagedænæ* non admodum diversimode accipitur, nisi quod in sensu generaliori omnia ulcera mali moris, serpentina & partes adjacentes erodentia, designet; in specialiori autem & strictiori significatione, non nisi *Cancrum exulceratum* denotet, de quo etiam in præsentiarum nobis maxime sermo erit. Quoad *Synonymiam* varia occurrunt nomina, quibus ille communiter insignitur, videlicet modo *Cancer* & quidem *ulceratus*, partim ob summam suam pertinaciam, dum parti, quam semel sibi elegit, hamulosos quasi pedes chelasque ita infigit, ut difficilis sit extricatio & grave admodum effugium; partim etiam ob concurrentem simul circumjacentium venarum subnigrarum, tanquam radicum viroso fermento gravidarum, dispersionem, qua pedes Cancris marini divaricatos quodammodo æmulatur, nec non ob colorem sublivido-fuscum & maculas asperiores & discolores conjunctas, quæ in Gammaris etiam quandoque reperiuntur: Modo etiam *Carcinus* & *Carcinoma*, imprimis apud *DIOSCORIDEM Lib. I. & II.* & *CELSVM L. V. c. 28.* audit, mutuatis nimirum à Græcis καρκίς & καρκινώματος vocabulis, quæ tamen proprie ma-

gis *Cancrum occultum* indicant ; item Veterum illa denominatio , nempe *Noli me tangere* , qua itidem juxta DOLÆVM *Encyclopædiæ chirurgicæ Lib. V. c. 8. §. 1.* latitantem non nisi *cancrum* insigniebant , quippe qui frequentiori & præsertim inconvenienti tactu magis semper exacerbatur , quam mitigatur. A Germanis autem usitatissimè *der Krebs, ein Krebs, Schaden, Krebs-Geschwür, um sich fressend Geschwür* &c. vocari afolet.

§. III.

Præmissis hac ratione iis , quæ ad Onomatologiam spectant , nunc ad intimiorem pessimi hujus affectus considerationem progredimur , initium à reali Definitione facientes , quæ sequens est , quod nimirum PHAGEDÆNA sit *ulcus malignum, in partibus præcipue glandulosis occurrens, illasque brevi circumcirca erodens & depascens, labia autem scirrhusitate dolorifica obducens, fetorem intolerabilem spargens, & loco puris laudabilis, vel saniem flavescientem, vel sanguinem nigricantem effundens, ex corruptione putredinoso-salina humorum seroso-lymphaticorum exsurgens, & in sphaceloso-ulcerosam plerumque transiens.*

§. IV.

Genus, seu rationem formalem *ulcus* esse diximus, eam maxime ob causam , quoniam unitas partium, in quibus occurrit, est soluta & erosa, per stagnantes & collectos ibidem humores acres & causticos jam jam corruptos, adeoque non obstat, quod præternaturalis harum partium extensio, sive tumor quidam auctior ordinarie præcedat, hujusque intuitu magis ad morbos

auctæ

auctæ magnitudinis referendus esse videatur, hic noster, cum id non nisi *Carcinomatis*, vel cancri occulti formale sit, à quo propterea tali ratione differt *Phagedæna*. Insuper etiam *malignum* illud esse asseruimus, non quod proprie ubivis & semper aliorum corpora malignitate sua inquinare, & contagiosorum affectuum ad instar, ita facile se ulterius propagare soleat, nisi quod in corpore individuali fieri solet, ubi utique seminia sua latius spargit, & ab una parte glandulosa ad alteram cum humoribus modo infectis se diffundit; sed relative tantum, habito nimirum respectu ad alia ulcera leviora, superficialia magis, nec ita late serpentina, pus laudabile & ordinarium fundentia, atque consolidationem citius ac facilius, post convenientium medicamentorum usum, admittentia.

§. V.

Subiectum adæquatum & *principale* ex definitione itidem jam patet, quod nimirum sint *partes glandulosæ*, non exclusis tamen reliquis *spongiosis* & *mollioribus*, quæ pariter intertexta vasa lymphatica intermixtasque gerunt glandulas, humorum seroso-salivalium & lymphaticorum depurationi potissimum destinatas; hinc, licet nulla fere in toto corpore occurrat pars, quæ glandulis & vasis lymphaticis non scateat, adeoque etiam nulla illarum ab invasione *Phagedænæ* libera prorsus videatur, attamen neque unius ejusdemque texturæ, nec in omnibus ita copiosæ sunt, ut corruptio talis fermentativo-putredinosa ita facile ibidem oriri ac produci queat: Quo magis enim partes glandulis refertæ, aut ex iisdem quasi conflatae sunt, eo laxior quo-

quoque, mollior & spongiosior est earundem textura, eoque magis tales ad recipiendum ejusmodi fermentum putredinosum & excitandum tale ulcus cacoethicum sunt dispositæ, prout manifeste hoc apparet in foeminarum Mammis, quæ hanc ob causam principaliter & frequentissime, tam ab occulto, quam exulcerato infestantur cancro, testantibus id innumeris à SENNERTO, SCHENCKIO, BARTHOLINO, SCULTETO aliisque recensitis exemplis, non exceptis tamen virorum mamillis, quæ, sicuti aliarum circumstantiarum intuitu muliebribus mammis assimilantur, sic quoque haud raro turpissimo hoc affectu itidem infestantur, teste inter alios HILDANO *Cent. I. obs. 89.*

§. VI.

Præter has vero aliæ etiam partes externæ, quodammodo saltem glandulosæ & molles, interdum truculento huic malo subjiciuntur, & quidem vel ob innatam quandam dispositionem, qualis sub nævis maternis sæpius latitat, vel etiam ob externam aliquam concurrentem occasionem: Sic FORESTVS *Lib. VII. Obs. chirurg. 17.* reminiscitur excrescentiæ cancrøsæ *supra oculum* ulceratæ, in viro sexagenario ab inde etiam demortuo. De cancro autem in *ipso oculo* virginis cujusdam, extra orbitam jam ob nimiam inflammationem actò, lethalem pariter exitum inferente, notatu dignissima extat observatio VALENTINI in *A.N.C. Dec. II. Ann. 6. obs. 72.* In *naribus* occurrentem cancrum describit BORELLVS *Cent. II. obs. 51.* qui tamen feliciter, & quidem solo Onopordi contusi succo, fuit curatus. *Gingivas* cancrøsâ excrescentiâ deturpatas in

tribus subjectis, in flore juventutis exinde demortuis, vidit HILDANVS *Obs. chirurg. Cent. I. obs. 30.* qui etiam notatu dignam ab alio sibi communicatam historiam, de Cancro *linguæ* refert, *Cent. III. Obs. 84.* In *genis* obortum Cancrum describit BARTHOLINVS *Historia anatomica 26. Cent. I.* Imo in *Dente* pueruli unius anni observatum tandemque lethalem, mirabili & ferè inaudita observatione tradit HERTODIVS in *A. N. C. Dec. I. Ann. I. Obs. 5.* ex *fissura labiorum* inductum exhibet TIMÆVS à GULDENKLEE *Lib. I. cas. 3.* Sub *axilla* latentem, in principio verrucæ ferè similem, multosque propterea fallentem, postmodum vero horrendum & stupendum vidit PANAROLVS *Pentec. IV. Obs. 33.* In *collo & femore*, ut & in utroque *inguine*, ex prægressis fistulis prognatum habet PLATERVS *Lib. II. Obs. pag. 492. & 493.* Sic *præputium* cancrorum reportavit, post concubitum cum uxore durante fluxu menstruo celebratum, rusticus apud RHODIVM *Cent. III. Observ. 39.* in ipso autem *pene*, ex lue venerea antea curata resultantem,prehenderunt BLEGNY in *Zod. Gall. Ann. 1689. M. Septemb. Obs. 4.* & MVRALTVS in *A. N. C. Dec. II. Ann. 3. Observ. 125.* quin tandem in *natibus* cancrorum tumorem, vehementibus & gravioribus symptomatibus stipatum ac satis chronicum, descripsit HILDANVS *Centur. I. Observ. 89.*

§. VII.

Proinde etiam non raro cancroræ tales ulcerationes occurrunt in *internis visceribus*, speciatim vero in iis, quæ spongiosioris quodammodo sunt texturæ, v. g. in *Utero*, in quo fungum cancrorumprehendit Stal-

part van der WIEL Cent. I. Obs. 87. totam autem ejus substantiam cancrösam observârunt RHODIVS *Cent. III. Obs. 45.* FORESTVS *Lib. 28. Obs. 47.* MERCVRIALIS *Tom. II. Consil. 84. p. 201.* aliique. Interdum etiam observatæ fuerunt in *Vesica*, juxta TVLPIVM *Observ. Med. Lib. IV. cap. 38.* aut in *collo* ejus, seu meatu, teste *Stalparto van der WIEL Cent. I. Obs. 88.* aut in *Pancreate* secundum HERTODII relationem in *A. N. C. Decur. I. Ann. 1. Observ. 99.* aut denique in aliis internis partibus, de quibus plura vid. apud HILDANVM *Cent. III. Obs. 87.* In omnibus autem ac singulis hisce locis rarissimè unice hæret grave istud malum, quin potius brevi plerumque temporis spatio ad alias vicinas etiam transit partes, ibique latentes insimul inquinat glandulas atque tali ratione, absque ulla ferè difficultate, latius evagatur & serpit, quoniam maximus inter glandulas est consensus, ut, si modo quædam illarum tali ratione affectæ fuerint, statim levi negotio & brevi manu aliæ quoque contaminentur, quemadmodum soepe, qui v. g. est in mammis, serpit ad glandulas axillares, ex his sursum ad cervicem, dehinc in Parotides & sic porro; sub quo successivo progressu & conjuncta simul totali partium istarum molliorum absorptione, utique sensim sensimque extenuari & sic tanto magis ad interitum præparari debet miserum & nimium jam afflictum tale corpus.

§. VIII.

Quod *differentiam*, seu distinctionem Cancri in diversas species, attinet, illa unice ferè diversitati causarum ac symptomatum eundem concomitantium superstructa esse videtur, imò ex eâdem potissimum de-

rivatur. Ratione *speciei* enim alius est *occultus*, qui solo tumore, ardore & lancinatione subjectis molestus evadit; alius autem *exulceratus & apertus*, de quo præsens tractatio solitariè agit, quique corrosione, foetore, hypersarcosi, sanguinis profusione aliisque diris symptomatibus ægros ad mortem usque discruciat. Ratione accidentium alius est *primigenius*, sive *idiopathicus*, qui citra prægressum alium morbum invadit & primo statim exortu talis est; alius *secundarius*, vel *symptomatikus*, qui alios graviores morbos prægressos, febres, mensium suppressionem, &c. excipit inprimis autem aliis benignioribus tumoribus aut ulceribus demum supervenit. Ratione *durationis* alius est *incipiens & recens*, qui adhuc in principio constitutus est, alius vero *perfectus & radicans*, qui latius progreditur & priore malignior est. Variat proinde etiam ratione *coloris*, dum partes circumjacentes modo obscure *rubicundo*, modo etiam *livescente & nigricante* colore magis perfusæ apparent: Sic tandem etiam respectu partium quas occupat, seu *sedis*, differt, dum modo *evidens*, partes nempe quaslibet exteriores, faciem, labia, mammas, penem &c. occupans, modo etiam *latens* vel absconditus est, qui interiores partes, palatum, uterum, vesicam urinariam, &c. obsidet.

§. IX.

Signorum diagnosticorum fusior equidem recensio atque descriptio non adeo necessaria circa hunc affectum videtur, cum ulcus, quod formalitatem ejusdem constituit, facillimè in sensus incurrat, & cuilibet statim vel foetore, vel turpissimo colore se se manifestet; interim

tamen

tamen, ut tanto exactius ab aliis congeneribus & eundem interdum simulantibus affectibus discerni queat, paucis ad minimum principaliora ejusdem signa pathognomonica examinanda erunt. *Imminentem* igitur, vel potius *incipientem*, licet adhuc occultum, dirissimum hunc affectum denotat *tumor* varicoso-scirrhosus, in principio valde exiguus, & vix ciceris interdum magnitudinem exæquans, in glandulosa quacunque parte se se exserens, & sensim tantum, rarissimè brevi temporis ambitu increscens, valdè tamen durus, figuram modo inæqualem, modo rotundam vel sphæricam exhibens, plus vel minus indolens, nisi tempore incrementi, ubi paulo magis acutum sensum ardoris urentis & penetrantissimæ punctiōis simul infert, rarius tamen ita præcipitanter in actuale ulcus, seu veram *Phagedænam* degenerat, nisi vel externis remediis incongruis, humectantibus nimirum, relaxantibus & emollientibus tractatus, vel etiam fortioribus & frequentioribus animi pathematibus excitatus & exacerbatus fuerit: Tunc enim *perfectum* & consummatum dirissimum huncce affectum produnt dolores non solum vehementiores, absque ulla ferè intermissione aut remissione pertinacius affligentes, sed & noctu præcipue se se exacerbantes, sub quibus venæ & arteriæ, per superficiem partis afflictæ discurrentes, inprimis circa extremitates suas, undique notabili sanguinis obscurè rufescentis aut planè nigricantis infarctū distenduntur, donec tandem erosâ & absumtâ, quæ illas tegit, cute, hæc quoque simul erodantur, sicque sanguineus, quem ordinariè vehunt, humor, gravi cum ægrotantium debilitatione, una cum sanie flavescente effundatur.

Sub his autem circumstantiis, ipsum *Ulcus phagedænicum* hac ratione productum de die in diem magis abominabile & aspectu horrendum redditur, siquidem in circumferentia ejusdem ingens durities & nodosa scirrhositas tuberculis undique obsita occurrit, labia autem ipsius partis exulceratæ admodum turgida, tumida, foris quasi inversa atque callosa, simulque colore modo livido, modo ex atro rubente, modo etiam pallido-roseo perfusa apparent, atque ex ipso ulcere destillat materia nonnisi ichorosa, flavescens, tenuis & limpida, simul adeo acris & caustica, ut non solum imposita lintea & intrusos plumaceolos discerpant, sed & ipsam cutem sanam, quousque eam attingere potest, erodat & excoriet, quod tamen non contingit, si paulo viscidior & crassior forsitan illa fuerit, ubi communiter deteriore magis colorem & odorem exhibet. Totum autem ulcus foetorem ferme intolerabilem, quasi putredinosum ac cadaverosum, de se spargit, qui teterimo illi odori, carni in aceto vel muria salina computrescentium, proxime accedit, imò eundem excedit, ægrisque propterea & adstantibus maxime adversus & nauseosus evadit; proinde etiam corruptio illa præsens circumcirca latius serpit & partes adjacentes modo languide, modo etiam citò & præcipiti gressu depascit, ut tandem, absumentis mollioribus & musculosis integumentis, vel ipsa substrata ossa denudentur & cariosa reddantur, vel etiam, pro re nata, viscera interiora detegantur, sicque in ipsas corporis cavitates foeda ista materia tran-

transeat, mortemque sæpius forsitan à miserrimis ejusmodi subjectis exoptatam acceleret.

§. XI.

Præter autem hætenus recensita satis gravia ista symptomata, accedunt etiam notabiles *actionum* quarumlibet in ejusmodi ægrotantibus *læsiones*, ita, ut ratione *animalium actionum* læsarum, gravitas insolita in artubus, dolor capitis modo auctior, modo mitior, ob humores impuros, acres & salinos sub circulatione intra cerebrum simul delatos, ejusque membranas vellicantes, irritantes & distendentes; agrypniæ, nec non vigiliæ contumaces, aut somnus ad minimum valde turbulentus & interruptus, vel crebrioribus insomniis anxiiis ac terrificis stipatus, ob tumultuarium, confusum atque inordinatum spirituum motum, humorum nimium depravatam crasin & blandioris sulphurei principii in iisdem defectum, occurrant. *Vitalium actionum* læsionem indicat nimia virium prostratio, concurrentia animi deliquia, pulsus debilis & frequens, ac tandem his omnibus superveniens lenta aut hæctica febris: *Naturales* autem *actiones* læsas designant abolitus fere in totum appetitus, chylicatio maxime læsa, nutritio sensim deficiens, cum succedente partium atrophia & extenuatione, sitis vel auctior, vel planè nullus, pro gradu & diversitate febris conjunctæ, secretionum atque excretionum ordinariarum impeditior successus, indeque dependens gravior status cachecticus & cacochymicus, unde etiam postmodum *qualitates externæ* mutantur & depravantur, oculi scilicet splendorem suum ordinarium amittunt, impallescent, obscurantur & in-

& intumescunt; color oris roseus in pallidum aut obscuriorem transit, totaque facies naturali suo decore orbata, livido, fusco & pallido-flavescente undique obducitur colore, ita ut vivi etiam in eadem jam mortis præ se ferant imaginem.

§. XII.

Ex his ergo nunc probe pensitatis & consideratis, liquido constare arbitror, quod, sicuti in genere ex unanimi celeberrimorum Practicorum consensu, quævis Cancri species malum admodum fonticum existit, atque plus sæpius in recessu ponit, quam in fronte gerit; sic & speciatim exulceratus, sive *Phagedæna*, præ Carcinomate seu occulto Cancro truculentior, peior & magis funestus esse debeat, præprimis quoniam teste HILDANO *Tract. de Gangr. & Sphacelo. Cap. VIII.* sæpius nequidem admittit ullam mitigationem. Interim tamen, hoc non obstante, lethalis non semper & ubivis statim formanda est Prognosis, cum quandoque etiam adhuc quædam curationis spes affulgeat sub dirissimo cæteroquin hoc nostro affectu, præsertim quando ille adhuc recens, nondum latius progressus & glandulis aliis vicinis communicatus, massa humorum non plenarie infecta est, insuperque æger in ætate vegeta juniore constitutus, nec adeo ingenti symptomatum cætervâ obrutus, viribus non nimium destitutus atque à febrilibus commotionibus adhuc liber existit, confirmante id ipsum inter alios Doctiss. HEURNIO in *Nor. ad Hippocr. Aphor. 38. Sect. VI.* Quod si autem ab initio neglectum fuerit pessimum hoc ulcus, tunc periculosius & curatu difficilior evadit, insimulque, licet
non

non statim enecare queat, attamen diutissimè & vehementissimè excruciare valet ægrotantes, donec magis confirmatum illud sit, ultimusque immineat gradus, sub quo fluidæ non solum & solidæ partes in totum depravatæ apparent, sed & ad ipsa interiora viscera progreditur corruptio, ubi sanè res prorsus conclamata est, ipseque hic truculentus affectus communiter, si non per se, tamen propter reliqua innumera eidem supervenientia symptomata, mortem accelerare solet.

§. XIII.

Inde etiam periculum in Phagedæna alias metuendum, variat ratione *causarum* eandem excitantium, ita ut gravior semper & periculosior sit illa, quæ à causis internis, universali nimirum humorum cacochymia scorbutica, acri, falsa, muriatica, biliosa, &c. nec non motibus eorundem vitiatis & erroneis dependet, quam quidem quæ ab externis causis, citra præcurrentes aut concurrentes alios fonticos affectus, introduci-
tur. Ratione *temporis & durationis* parum solatii in Prognosi superest pro afflictis, cum plerumque chronicus, contumax & rebellis existat affectus, non tantum per menses, sed per annos interdum durans, omnemque medicamentorum usum & applicationem eludens, imprimis si corruptio non admodum præcipitanter & citò progrediatur, ubi lentæ communiter internecioni miserè jam jam excruciatos tradit ægrotantes, idque tanto certius, si illi in tempore, quod tamen omnium rerum primum est, vel neglexerint, vel generosa hæc & maximè necessaria præsidia admittere recusaverint.

§. XIV.

Cognitâ sic morbi nostri sede & indole, necesse nunc erit, ut ad evolutionem *causarum* ejusdem progrediamur, quoniam non nisi tunc rem scimus, quando per causas eandem agnoscimus: Hinc *causam principalem & immediatam* ponimus in *stasi*, tam lymphæ acrioris, acidæ & austeræ, quam sanguinis jam tum viscidioris quodammodo. & in tubulis ac porulis glandulosarum & spongiosarum partium contingente: Quanquam enim in statu naturali satis expeditè hi ipsi humores per consueta sua vasa ad minimas etiam & tenerrimas ferantur partes, tamen prior ille, si præternaturali ordine in glandulis aliisque suis receptaculis diutius, quam par est, retineatur & retardetur, statim ichorefcit & successivè peregrinam atque à naturali planè alienam induit naturam, ac variis tandem impuritatibus heterogeneis, acribus, biliosis, fermentescentibus, magis magisque inquinata, visciditatem tenaciorem nanciscitur, ipsisque glanduloso-tubulosis ejusmodi partibus firmitus insinuatur & ibidem impacta quasi hæret, dumque hac ratione liberiores sanguinis affluxum & transitum per angustissimos in his regionibus occurrentes canaliculos porulosque impedit, pariter quoque hunc de reliquo jam jam spissescentem & particulis acidis salinis atque terrestribus abundantem humorem, ad similem stasim & coagulationem subeundam cogit, sicque emergit suspectus ille tumor aut nodulus, primigenium pessimorum talium ulcerum fundamentum & matricem quasi constituens.

§. XV.

§. XV.

In tali enim statu sæpè diu satis malum hoc persistit, ita ut interdum per plures annos, citra ullam quandam ulteriorem noxam, in talibus partibus delitescat, testante id TVLP II observatione *Lib. I. cap. 47. de Cancro per 50. annos innoxio*: Quando autem sensim major majorque particularum viscidarum & acriorum copia ibidem colligitur & coacervatur, tunc plures etiam tubuli successivè obstruuntur, imò ad rupturam usque infarciuntur, ut inde non solum tumor augeat & ad molem satis prodigiosam interdum excrescat, sed &, ob sanguinem ibidem copiosius stagnantem & collectum, per cutem transparentem, colorem lividum, fuscum vel nigricantem induat, vasaque circumjacentia ad turgescentiam varicosam disponat, concurrentibus tunc, ob spasticam fibrarum strictionem, doloribus satis acutis, punctoriis, ardentibus, rodentibus aliisque, tam diu indefinenter continuantibus, donec vel per improvidam emollientium, aut acriorum irritantium applicationem, vel internum nimium M. Sneæ orgasmum, auctior humorum tenuiorum affluxus, atque sic coaguli spissioris dilutio excitatur, sub qua dein suppressa hactenus & coercita putredinoso-fermentativa sanguinis indoles magis sese manifestat, atque particulæ ejusdem ætatis subtiliores à nexu reliquarum liberatæ, in vicinas sese diffundunt partes, iisque similem corruptelam putredinosam communicant. Ne verò hæc tam præcipiti progressu, uti in Sphacelo fieri assolet, proserpat, efficit affluxus seri subsalti & commixtio lymphæ in viscidam ac tenacem mucescentiam jam redactæ, quæ

C 2

qui.

quidem ab una parte imminentem aliàs sphacelosam putrefactionem infringit, ab altera verò, propter enatam horum humorum pinguium ac gelatinosorum inter se graviolem confectionem, tandem acerriam acido-corrosivam ac ferè causticam virulentiam producit, quæ non solum tubulos, quibus inhæret, successivè absumit, sed & partes circumjacentes latè depascit & erodit, sicque dolores atrocissimos, foetorem intolerabilem & quasi cadaverosum, una cum saniei ichorosæ, flavescentis vel nigricantis, imò etiam sanguinis ibidem stagnantis copiosâ interdum & periculosâ promanatione, causatur & inducit. Tandem perniciofa hæc labes, resorptis nimirum subindè per vasa sanguifera & lymphatica jam erosa particulis ejusmodi fermentescentibus & putridis, toti massæ humorum communicatur, indeque status sanguinis cacochymicus ac summa spirituum perturbatio exoritur, à quâ dein non solum febris lenta & hectica, sed & augescente subinde dolorum vehementia, continuæ agrypnix, summæ anxietates, frequentiores lipothymix aliaque superius recensita symptomata & omnium ærumnarum finis, Mors inducitur.

§. XVI.

Quod autem reliquas specificè adhuc recensendas causas attinet, & quidem *causam mediatam proximiorè*, hanc omnia illa constituunt, quæ stasim lymphæ atque sanguinis in prædictis partibus spongiosis & glandulosis inducere valent, præprimis autem horum humorum *quantitas vitiosa*, cujus intuitu ob impeditam per teneriora vascula circulationem nimium ibidem ac-

cumu-

cumulatur, nec non *depravata* eorundem *qualitas*, viscida præcipue & acris, à difficiliore illorum progressu maximè dependens & oboriens, ac tandem *motus* ipsorum *erroneus* tam orgasticus, quam congestorius, quo ipso communiter in majori & auctiori quantitate tales versus partem forsitan jam debilitatam aliquam propelluntur, & sic tanto facilius ad stagnationem graviolem subeundam itidem disponuntur. Huc etiam pertinent *obstructiones viscerum*, secretioni & depurationi lymphæ potissimum inservientium, unde hæc magis magisque ab inhærescentibus particulis heterogeneis inquinatur, & postmodum massæ sanguineæ affusa eandem quoque depravat & universalem inibi dyscrasiam excitat. Nec omittenda etiam sunt animi pathemata, præsertim *terror vehemens* & *repentinus*, qui, uti actus omnes vitales, sic & in specie functiones secretorio-depuratorias humorum valdè turbat & alterat, ut & speciatim nimia & arctior mammarum constrictio per vestimenta, aut harum pariter ac aliarum glandulosarum partium fortior atque impetuosior *contrectatio*, *compressio* aut *contusio*, parilem humorum ibidem transeuntium stasim communiter post se relinquens.

§. XVII.

Tandem *remotiores causas occasionales*, ex classe rerum *naturalium*, constituunt *Temperamentum*, melancholico-plegmaticum præcipue, utpote ad cruditates & impuritates tam in primis, quam secundis viis producendas & adaugendas aptissimum; *ætas* præsertim consistens & senilis, ad humorum viscedinem ac lentorem inducendum magis præ reliquis disposita, nec non ha-

bitus corporis constrictus & siccior summè necessariam, pro humorum depuratione, insensibilem transpirationem valdè impediens, ac tandem *sexus sequior*, ob frequentiores partim mensium & aliarum excretionum turbas, partim etiam molliorem & laxiorem corporis habitum, irregulari humorum circulationi & faciliori versus partes glandulosas regurgitationi ac stagnationi itidem maximè expositus. Ex *non-naturalium rerum classe* multum huc faciunt, *aër frigidus-humidus* aut subitaneæ ejusdem ex calido in frigidum, & vicissim ex hoc in calidum, mutationes, humoribus inspissandis & condensandis & stasibus eorundem excitandis vel maxime favens; *alimenta* crudiora, spissiora, dyspepta, fermentescentia, refrigerantia, & qualiacunque alia impuritates varias post concoctionem relinquentia, iisque totam postmodum sanguinis massam depravantia; *errores circa motum & quietem*, ut & *somnum ac vigilias*, tam in excessu, quam defectu commissi, similes humorum in crasi & mixtionè sua laudabili alterationes & inquinaciones fonticas introducentes, quales communiter etiam ab *excretionibus ordinariis & adsvetis*, in circulo suo nimium quantum turbatis, vel planè suppressis, expectandæ sunt. Tandem ratione causarum ex censu *rerum præternaturalium* occurrentium, in superioribus jam monitum fuit, quod mala viscerum constitutio, ut infarctus & scirrhi eorundem, varii generis morbi chronici, cacochymia universalis, scorbutica, biliosa, venerea, ulcerationes diuturnæ serpiginosæ ac plura hujus generis alia, utique satis frequentem pariter pro excitando & stabiliendo nequissimo tali ulcere, suppedient occasionem.

CAP.

CAPVT POSTERIVS.

Curationem Phagedænæ exhibet.

§. I.

E Numeratis nunc iis, quæ ad theoreticam potissimum hujus affectus tractationem spectant, sic quoque *methodus* eidem *medendi* paucis indicanda erit, quæ duabus nititur indicationibus, nempe ut I) *Corruptio putredinoso-fermentativa infringatur, ejusque ulterior progressus inhibeatur*; & II) *Consolidatio dein, quantum fieri potest, promoveatur*. Ad priorem indicationem obtinendam, remotè ad minimum, haud parum conferunt interne *purgantia*, viribus ægrotantium accommodata, in Pilularum præcipuè forma ordinanda & aliquoties repetenda, ut partim stabulantes adhuc in primis viis impuritates removeantur, partim etiam ulterior illarum ex M. S. jam jam depravata affluxus versus partem afflictam præcaveatur, talesque magis ad commune quoddam excretorium deriventur. Pro sunt hoc nomine Extracta herbarum antiscorbuticarum, Trifol. fibr. Card. ben. Fumar. Cent. min. Cochlear. Nasturt. item Extr. Panchym. Croll. & ius dulc. MP. de Fumar. de Eupator. de Succin. Crat. &c. &c. aut si Infusa cuipiam magis arrident, poterunt ex iisdem speciebus antiscorbuticis cum Rad. Helleb. nig. Polypod. qu. Bryon. Rhabarb. Or. Agar. troch. sociatis, talia cum vino parari & per unam alteramve septimanam horum usus continuari. His interponenda aut subjungenda erunt *diuretica* & *diaphoretica* blandiora, M. S. præcipue à seroso illo latice admodum noxio liberan-

berantia, veluti sunt TRa ꝑij acr. TRa ꝑi Eff. Succin. Pimp. alb. Lignor. Imperator. Angel. &c. conjuncto potius tenuiori, aut, pro phlegmaticis maxime subjectis, Decocto quodam Lignorum dilutiori, vel Infuso aliquo Theeformi appropriato. Pro eodem scopo conveniunt etiam, in pulverum præcipue forma, ꝑlia & Bezoardica fixa, videlicet ꝑ diaphor. elixiviatum & non elixiviatum, Bezoard. miner. Oare Dre, Joviale, Millepedes præparati, Θ Viperar. Serpent. ꝑis nat. & ꝑii, cum absorbentibus, testaceis & marinis combinata.

§. II.

Ex fonte chirurgico pauca equidem sunt, quæ ad hunc scopum impetrandum proprie ac directe faciunt, cum V. Snes, scarificationes, vesicatoria, fonticuli atque frictiones, ad causam hujus morbi quæ talem vel removendam, vel corrigendam parum faciant, quippe quæ in Lymphæ visciditate, & ichorescentia maxime consistit, adeoque aliis planè remediorum generibus corrigenda, refrænanda & evacuanda erit; interim tamen non planè omittenda, sed in subjectis assuetis, plethora urgente & turgente prægravatis ac spongiosioribus, tempestivæ V. Snes & scarificationes, in senescentioribus autem magisque phlegmaticis & cacochymicis reliqua præsidia chirurgica, in initio statim in usum trahi poterunt, modo insimul respectus habeatur ad vires & constitutionem ægrotantis, ne forsitan generosiori tali methodo illæ magis, quam ipsa truculenti morbi ferociâ, frangantur ac prosternantur.

§. III.

Inter *externa*, scopo huic mundicatorio maxime satis-

satisfacientia, eminent ꝑ balsamica temperatiora, non usque adeo volatilia, videlicet ꝑ Myrrhæ per deliquium, vel ꝑ Therebinth. cum ꝑ Lateritio & Ovorum temperata, cavendo ab aliis unguinosi & rancidis pinguibus, fermentationem istam ordinarie magis exacerbantibus; qui vero illorum quoque ꝑ applicationem reformidat, poterit Eff. Myrrh. & Eff. Succin. additis paucis guttulis ꝑ Therebinth. simili cum successu adhibere. Eandem quoque virtutem exserit Balsamus ꝑ ex scoriis Reguli ꝑ paratus, & cum Sacch. ꝑni, prævia leni digestionem, combinatus, item ꝑ fuliginis, ex residuo post destillationem illius capite mortuo extractum, & cum ꝑ Ovor. in linimenti formam redactum, atque ita applicatum: Cui lubet, is poterit etiam Decocta mundificantia ex herbis balsamicis, antiscorbuticis non usque adeo acris, sed magis amaris & traumaticis, addendo Gummata quædam temperatiora, vel cum ꝑa simpl. vel cum vino parare, & modo cum Syringa injicere, aut sub qualibet deligatione cum linteis duplicatis calide applicare, quemadmodum tale satis egregium inter alia descriptum extat in *A. N. C. Decur. II. Ann. X. Obs. 76.* Pariter quoque aliud hujus generis & præstantis admodum effectus commendat *Celeberr. CLAUDERVS* in modo allegatis *A. N. C. Dec. II. Ann. VIII. Obs. 209.* ex Lixiv. Calc. viv. cum Herb. Fumar. Summitat. Pin. & Hyosc. addito alcali quodam fixo, vel Cinere cancerorum & Oustoparatum, nec non Mixturam ex ꝑa flor. Hyper. Flor. omn. è ranis integris, spermate ranarum, adjuncto pulvere è ranis & bufonibus calcinatis, constantem.

§. IV.

Pro tollenda hyperfarcosi equidem temerarii quidam ꝑialia, aruginosa & ꝑea quævis indiscretim usurpant, pessimo autem plerumque cum successu, ob præsentem jam jam satis causticam & corrosivam humorum acrimoniam, cujus intuitu nunquam septica & corrosiva externa, nisi optimè præparata & summo tamen semper cum judicio, sunt adhibenda, aliàs oleum igni additur & remedium ipso morbo gravius redditur. Omnibus ergo reliquis, in hunc finem aliàs tantopere deprædicatis & commendatis, palmam meritò & securitate & effectus præstantiâ præripit Cremor Calcis vivæ, decocto ejus supernatans, labiis fœdissimi hujus ulceris inspergendus, aut illinendus, quippe qui partem corruptam promptissime tutissimeque solvit, partibus sanis omnimodo salvis relictis, teste, præter ipsam experientiam clinicam, Celeberr. HOFFMANNO in *Clav. pharmaceut. Schræd. pag. 174.* Alii specificè succos Cicutæ, Solani, Semperviv. Geran. & Plantagin. commendant, quibus tamen HILDANVS *Cent. I. Obs. 1.* aquam ex similibus succis, per Alembicum plumbeum destillatis, præfert, licet & huic & illis multo magis præferendus sit succus Hyosciami Peruviani, seu *Tabaci*, recenter expressus, aut in defectu hujus, Decoctum ejusdem cum ∇ a simpl. factum, quoniam, confirmante jam multiplici experienciâ, sicuti in aliis fistulosis & serpigiosis, sic & speciatim in phagedænicis ejusmodi ulceribus, singularem planè virtutem abstersoriam & mundificatoriam exserit, simulque aliquoties refractarios cæteroquin tales affectus, si modo non nimis inveterati illi fuerint, feliciter etiam ad consolidationem plenariam disposuit. Sic etiam remedia hñina à multis eximiè commendantur, quorum usum propterea, utpote salutari interdum effectu corroboratum, non simpliciter dissuademus, modo providus tantum ille sit; hinc vel Ceratum hñinum à TVLPIO eximiè deprædicatum, quod ex \mathfrak{ss} Rosar. \mathfrak{z} ij Cera alb. \mathfrak{z} ij. & Plumbi usti ac loti \mathfrak{ss} constat, vel etiam sequens Lini-
mentum adhiberi poterit: \mathfrak{R} . Plumbi usti & loti, Cera alb.

aa ʒi. Myrrh. rubr. ʒiij ʒo Rosar. ʒiij. Croc. or. pulverif. ʒj. Fol. Solan. pulverif. ʒijß M. contund. invicem in Mortar. calente per aliquot horas cum pistillo plumbeo & postmodum applicetur. Reliqua autem Specifica, in Practicorum libris undique & undique occurrentia, quod attinet, illorum evolutionem & exactiorem recensitionem temporis brevitatis & chartæ angustia non permittunt, quapropter ea cujusvis prudentioris Medici inquisitioni & experientiæ relinquimus.

§. V.

Quod *alteram indicationem* & promovendam, secundum tenorem illius, consolidationem concernit, ea, si modo ratione antecedentium, inprimis autem præmittendæ mundificationis & abstersionis omnia bene se habèant, levem aut nullam deinde involvit difficultatem, quin potius facili negotio, sub usu internorum Decoctorum balsamicorum & traumaticorum, & externorum sarcoticorum, exsiccantium & constringentium, in Chirurgia pariter ac Medicina notissimorum, obtinebitur, quoniam dimidium consolidationis in debita & ritè peracta mundificatione semper consistit, quæ propterea ante omnia & respicienda & quovis modo promovenda erit. De reliquo ratione Emplastrorum, durante hujus truculenti affectus curatione imponendorum, non nisi hoc monere placet, quod vel Miraculosum, seu Saponat. Barbette, vel Diasulph. Ruland. vel Opodeldoch Paracelli, vel, si præcipue atrociora dolorum urgeat, anodynum Deckeri, vel Diapomphol. reformat. vel etiam Empl. Diapalm. vel aliquod ex his mixtum, in usum vocari queat; sectio autem chirurgica & plenaria per eandem rebellis hujus ulceris ablatio & remotio, non nisi tunc locum habeat, quando illud adhuc recens, nec usque adeo latè in vicinas partes & glandulas diffusum, ægerque ad illam sustinendam sufficientibus adhuc viribus instructus fuerit.

§. VI.

Ratione *Dietæ* paucis non nisi superaddimus, quod
tam

tam sub Cura, quam etiam post peractam illam, *Aër* requiratur calidus, moderatissime humidus, omniumque heterogeneorum & noxiorum inquinamentorum expers; *Cibi* sint benè nutriendi, evchyli & evpepti, atque ab omni noxia qualitate, humorum mixtionem & crasin denuo depravante, liberi; *potulenta* sint tenuiora, probe fermentata & defaecata, non excluso vino, cum herbis antiscorbuticis medicato. Inter *animi pathemata* fugiantur imprimis Terror, Ira, Mœrores, tristitiæ & sollicitudines, alias enim Medicus sub ordinatione & usu medicamentorum cœteroquin exquisitissimorum oleum & operam perdet. Alvus unacum reliquis ordinariis & consuetis *excretionibus*, vel sanguineis vel serosis, aliisve debite respondeat, & quoad Motum ac Quietem, Somnum atque Vigiliis caveatur, ne vel in excessu, vel defectu peccetur, sed semper tritissimum illud monitum probe observetur: *Medio tutissimus ibis.*

T A N T V M.

Æ Mula quem Virtus stimulis irritat honorum,
Subdit & ingenuo calcar inane Viro,
Colligit exemplis, quæ quanta Scientia possit,
Dum cernit Fratrem plurima scire suum.
Acrius affectant Germani casus honores,
Nam quod Germanus flagitat, alter habet.
Gratulor hos igitur, Deus ut fortunet honores,
Et data fecundet scœnore dona tibi.

Ita gratulabundus accinuit

PRÆSES.

